

Euskal AEko txikizkako sektoreko salmentak %5,1 hazi ziren 2004ko bigarren hiruhilekoan

Bigarren hiruhilekoaren datu hauekin, 2004ko lehenengo seiuhilekoan hazkunde nominala %3,8an kokatu zen, aurreko urteko aldi beraren aldean.

Eustatek emandako datuen arabera, Euskal AEko txikizkako merkataritzaren sektorean, 2004ko bigarren hiruhilekoan, salmentak %5,1 igo ziren, kopuru nominaletan, aurreko ekitaldiko hiruhileko beraren aldean. Hazkunde nominal horrek, kopuru errealetan, %4,0ko bilakaera dakar, hori ere positiboa.

2004ko lehenengo sei hilabeteetan, sektore honetako salmenten bilakaerak %3,8ko hazkunde nominala izan zuen, 2003ko lehenengo seiuhilekoaren aldean. Balio errealetan, lehen seiuhilekoaren hazkunde metatua %2,7ra iritsi zen.

URTE ARTEKO HAZKUNDE TASA ERREALAK. EUSKAL AE

URTEA	HIRUHILEKOA	TXIKIZKAKOA	ESPEZIALIZATUA	EZ-ESPEZIALIZ. (AZAL. ERTAIN ETA HANDIAK)
2002	II	3,2	3,9	1,9
	III	9,6	12,0	4,7
	IV	6,5	8,4	3,3
2003	I	4,2	4,7	3,0
	II	2,1	2,2	1,8
	III	2,1	2,1	2,1
2004	IV	2,8	3,1	2,3
	I	1,5	1,2	2,1
	II	4,0	6,2	-0,1

Iturria: EUSTAT

Gune ertain eta handietako txikizkako salmentak (ez-espezializatua) %3,7 hazi ziren balio nominaletan, aurtengo bigarren hiruhilekoan. Prezioen igoeraren eragina kendu eta gero, urte arteko tasaren aldakuntza %-0,1ekoa izan zen, aurreko urteko hiruhileko beraren aldean.

Tradiziozko txikizkako merkataritzaren (espezializatua) salmenta nominalak %5,9 handitu ziren 2004ko bigarren hiruhilekoan, 2003ko aldi beraren aldean. Gehikuntza nominal hori, prezioen bilakaera kontuan hartuta, %6,2koa dugu, kopuru errealetan.

Txikizkako sektorearen salmenta nominalek bigarren hiruhilekoan izan zituzten hazkundeeak antzeko erritmoa izan zuten hiru lurraldeetan: Araban %5,1, Bizkaian %4,9 eta Gipuzkoan %5,4 hazi ziren. Hazkunde horiek balio errealetara ekarrita ere oso hurbil daude elkarrengandik, Araban %3,7, Bizkaian %3,9 eta Gipuzkoan %4,4 hazi baitziren.

2004ko bigarren hiruhilekoan txikizkako merkataritzaren sektorean ziren landunen aldetik, urte arteko %2,5eko hazkundea izan zen (aurreko urteko hiruhileko beraren aldean) Euskal AEko guztizkorako. Herrialdeka, honakoak izan ziren datuak: Araban %1,6 gehitu ziren, Bizkaian %3,0 eta Gipuzkoan %1,9.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxa: +34-945 01 75 01 E-maila: eustat@eustat.es

Harremanetarako pertsona: Enrique Morales Zubizarreta

Tel.: +34-945 01 75 05. Faxa: +34-945 01 75 01

Prentsa-oharrak Interneten: www.eustat.es